

# Hotel Aloft KL Sentral dibuka awal 2013

**STARWOOD** Asia Pacific Hotels and Resorts Pte Ltd (Starwood) menjangka membuka hotel jenama Aloft pertamanya di Malaysia berdekatan hab pengangkutan KL Sentral pada awal 2013.

Hotel tersebut, Aloft Kuala Lumpur Sentral, terletak bersebelahan NU Sentral Mall yang bakal dibuka tidak lama lagi, dekat KL Sentral.

Pematerian Perjanjian Pengurusan Hotel di-meterai baru-baru ini antara Starwood dan pemilik hotel, Iringan Flora Sdn Bhd, unit milik penuh syarikat sekutu Ireka Corporation Bhd, Aseana Properties Ltd.

Hotel itu akan mempunyai 482 bilik di menara 31 tingkat, beberapa bilik fungsi, dewan besar yang boleh menampung sehingga 850 orang, pusat kecergasan dan restoran.

Matthew Fry, Naib Presiden Kanan Pemilikan Dan Pembangunan Starwood berkata, reka bentuk jenama Aloft dan persekitaran sosial akan menjadi tarikan kepada pengunjung generasi seterusnya yang mengharapkan penginapan mereka mencerminkan gaya hidup mereka yang sentiasa berkembang.